



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 04/04/2024

Här President,

**Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministere fir Finanzen & Energie weiderzeleeden.**

An de leschte Joren hunn ëmmer méi Leit eng Solaranlag (Photovoltaikanlag) op den Daach vun hirem Haus installéiert. Dës Politik bréngt fir d'Leit verschidde Virdeeler an hëlleft virun allem eisem Land, fir dem Klimawandel entgéintzewierken a méi onafhängeg vum Ueleg aus anere Länner ze ginn.

Als Independant kann ee verschidde Käschten als Charges d'exploitation geltend maachen, wann dës am Zesummenhang mat de professionellen Aktivitéite vun der Firma sinn. Ee klassescht Beispill dofir sinn d'Käschten vun engem Auto, dee fir d'Aktivitéiten vun enger Firma genotzt gëtt. Beim klassesche Verbrenner kann de Steierzueler d'Rechnung vum Sprit oder vun der öffentlecher Luetstatioun direkt dofir notzen am Zesummespill mam Faahrtebuch. Et gëtt allerdéngs e bèsse mi onkloer, wann de Stroum fir den Elektroauto am Doheem vum Steierzueler gezaapt gëtt.

Um Site vun der Steierverwaltung ass Folgendes erkläert:

*"les frais de voiture subis par le chef d'entreprise ne seront déductibles que dans la limite de l'utilisation professionnelle de la voiture. Il appartient au chef d'entreprise d'apporter la preuve du caractère déductible de la dépense, par exemple sur base du carnet de route."*

An deem Zesummenhang wëlte mir de Ministeren dës Froe stellen:

1. Op wéi eng Modalitéite muss de Steierzueler oppassen, wann hien de Stroum, deen hien aus senger Solaranlag fir ee Firmenauto zaapt, als Charges d'exploitation wëll geltend maachen?
2. Wéi eng Beweiser muss de Steierzueler an dësem Fall kënnen presentéieren, fir de gezaapte Stroum als Charge d'exploitation kënnen geltend ze maachen?
3. Wéi eng Plaffongen oder Limitten gëllen an dëse Fäll?

Mat déiwem Respekt,



[www.piraten.lu](http://www.piraten.lu)



GOERGEN Marc  
Deputéierten



POLIDORI Ben  
Deputéierten

